

HAI SCOUT

REVUE MENSUELLE

1 Janvier 1935 No. 11 5eme Année

1 8056050.0 1935

Hubert

Հ Ա Յ Ս Կ Ա Ռ Ի Տ

Պատկերագարդ ամսաթերթ
Պաշտօնաթերթ Հ. Մ. Ը. Մ. ի և Սկաուտներու
Հ ի մ ն ու ա ծ 1918 - ի ն
Նամակ, յօդուած, նկար, բերթ, գիրք և դրամ դրկել՝

JIRAIR MINTANDJIAN ի

55, Rue de Maux, PARIS (19e)

HAI SCOUT

Revue mensuelle

Organe de l'Union générale arménienne de scoutisme

Fondée en 1918

Rédaction et Administration 55, Rue de Meaux, Paris-XIX

ՏԱՐԵԿԱՆ ԲԱԺԱՆՈՐԳԱԳՐՈՒԹԻՒՆԻ (ԿԱՆԵԻԿ)


Ֆրանսա, Սուրիա Պալեաններ	20 Ֆրանք
Ուրիշ երկիրներ	30 Ֆրանք
Բոլոր «Սկաուտ»ներու բաժանորդագրութիւնը (սպարտաւորիչ)	15 Ֆրանք
Չեմքէ՝ հատը	2 Ֆրանք

Թերթիս խմբագրութիւնը կը խնդրէ Մասնաճիւղերէն, որ Հալէպի Մասնաճիւղին կողմած խիստ սիրուն խմբանկարին նման խմբանկարներ ղրկեն մեզի: Թերթիս սուղ էջերուն համար աւելի նպատակաշարժար և աւելի հրապուրիչ են այս կարգի խմբանկարներ, որոնց զեղեցիկ մէկ նմոյշը ղրկուած է մեզի Հալէպի Մասնաճիւղէն և որ կ'երեւի ներկայ թիւին մէջ:

Հայ Սկաուտ, միշտ պատրաստ խոստումիդ և դաւանանքիդ. եղի՛ր պատանանաչ և ոչնչապահ:

ՀԱՅ ԱԿԱՌՈՒՄ

ԲԱՐՁՐԱՑԻՐ



ԲԱՐՁՐԱՑՈՒՐ

ՊԱՇՏՕՆԱԹԵՐԹ Է. Մ. Ը. Մ. Ի ՍԿԱՌՈՒՏՆԵՐՈՒ ԸՆԴՀԱՆՈՒՐ ՄԻՈՒԹԵԱՆ

Ե. Տարի Թիւ 11 1 Յունուար 1935 1 Janvier 5^{me} Année N° 11

ՀԱՅ ՍԿԱՌՈՒՏԻՆ ԽՕՍԻՔԸ

Դժուարին պայմաններու մէջ տարի մը բոլորեցինք:

Հակառակ ասոր՝ տեղի ունեցան տարեկան բանակումներ, համապումար, սկաուտական վարժարան, բանակում-ցուցահանդէս, միջխմբային շարան՝ մրցումներ եւլն. եւլն., որոնք կը ներկայացնեն լուրջ աշխատանքի մը արդիւնքը, որուն մշակները կրնան հրճուիլ:

Սակայն կարգ մը պետերու գէժքին վրայ կ'երեւի մեղամագձոտութեան արտայայտութիւն մը: Քանզի, անոնք վերջիչելով բարերաստիկ տարիներու շարքերու թիւը, կը յուսային այսօր քառասպտակուած տեսնել դայն, եւ ինչո՞ւ չէ՛, բոլոր հայ պատանի-երիտասարդները տեսնել Հ.Մ.Ը.Մ.ի եւ սկաուտական շարքերուն մէջ՝ շնորհիւ սկաուտին շինիչ ու հմայիչ յայտադրին, եւ սակայն, իրականութեան մէջ, կը տեսնեն թէ՛ հազիւ կարող ենք մեր սօփորական շարքերը սրահել տուեալ պայմաններով:

Սոյն պարագան կ'արժէ խորհրդածութեան նիւթ ընել:

Այս տարեգլխի սկիզբը ակնարկ մը նետենք անցեալի վրայ եւ ջանանք տեսնել մեր կտրած ճամբան՝ սուր աչքերով ու սպա լաւ լսենք իրականութեան ձայնը:

Կարգ մը շարժումներ, որոնք ժամանակի ընթացքին կը շարունակուին սերունդէ սերունդ, հարկաւորաբար կը պարտադրեն իրենց հետեւորդներուն կարգ մը գեղեցիկ սովորութիւններ, ինչպէս, փոխադարձ եղբայրսիրութիւն, իրերօգնութիւն, Ֆիլիքական, բարոյական եւ բնակութեան ասոցիացիաներ, գաղափարական ազնիւ ու վսեմ բարձրացում եւն.:

Ուրիշներ ալ կ'առաջարկեն իրենց շարքերուն՝ կարգ մը մակերեսային եւ

20395-ԱԿ 323-2000

վաղանցուկ միջոցներ: Իսկ ընկերութիւններ ախոյեանութիւն եւ այլ սնամէջ վաստքեր կը գերադասեն պատանի-երիտասարդներու ընդհ. զարգացումին մէջ, լոկ գրօսանքի եւ հաճոյքի հրապոյրներով:

Հա՞րկ է ըսել թէ՛ այս վեջիները աւելի հեշտութեամբ կը լեցնեն իրենց շարքերը:

Առաջին կազմակերպութիւնները չեն անդիտանար, որ զօրաւոր միութիւնները, թէպէտեւ դանդաղ, եւ սակայն կը յառաջանան աւելի ապահով ու կը մնան լուրջ ու անտարբեր օրուան թեթեւ ասուլիսներուն հանդէպ: Ոչինչ կարող է զիրենք շեղեցնել իրենց վեհ գործէն, զոր կ'ուզեն տեւականօրէն կատարելագործել:

Վերջին կազմակերպութիւնները, վաղամեռիկ վայլ ունեցող յաջողութեանց հակամէտ ոչ — տեւական խանդավառութեամբ լի, արագօրէն ու անտարբեր կը հիւսեն քող մը, ծածկոց մը, քրանարեր եւ խոր աշխատանքի մը դժուարութեանց արտաքինը սքօղելու համար:

Լաւ գիտես, խմբապետ, որ քու ի գործ դրած սկառուտութիւնը պէտք է պատկանի առաջին դասակարգին. ուստի աշալուրջ ու ժպտազէմ շարունակէ՛ աշխատանքը, ժամանակին թողլով գործին վերջնական իրականացումը:

Եթէ ընտանիքը եւ վարժարանը կարենային պատանի — երիտասարդութեան ընդհ. զարգացման համար հայթայթել լիակատար նիւթեր եւ զանոնք օգտագործել ի նպաստ այդ զարգացման, այն տեն սկառուտութիւնը ստեղծելու պէտքը չպիտի զգացուէր բնաւ: Մի մոռնար սակայն թէ՛ քանի՛ քանի՛ տարիներ ունին անոնք, տղան կազմելու համար: Ուստի, մէկ քանի ամիսներու եւ տարիներու աշխատանքով մի՛ սպասեր, որ հասնիս կատարելութեան:

Սակայն, երկար աշխատանքի մը առջեւ գտնուելուդ համար մի՛ յուսահատիր. վաղուան քաջալերական արդիւնքներուն համար է որ կ'աշխատիս, յուսահատութիւնը զօրաւոր նկարագրի ճառագայթումի պակասը զգալի կ'ընէ:

— Այս օրուան կացութեամբ, սրօտի եւ այլ նորաձեւ ընկերութեանց դէմ ոչինչ կարող ենք ընել, պիտի պատասխանես: Անոնցմէ հրապուրուած՝ կը քաշուին մերս պատանի — երիտասարդներէն թեթեւամիտ եւ սկեպտիկ դասակարգը:

— Ծատ հնարաւորութիւններ կան, գրօսանքի եւ հաճոյքի միայն ծառայող այդ նորաձեւութեանց դէմ կատարելիք: Ատոնցմէ ամենակարեւորները յաճախ մոռացութեան դատապարտուած են եւ հեռեւարար պէտք է որ յաճախ յիշեցնենք անոնց գլխաւորները, որոնք են. 1.— Ընտանիքը, 2.— Տղան եւ 3.— Վարժարանը:

1.— Ընտանիքը զինակիցն է սկառուտութեան եւ կը գործէ առանց անոր աշխատանքն ու իշխանութիւնը խաթարելու, առանց երկրորդ, անսովոր կեանք մը ստեղծելու՝ սովորականէն դուրս: «Սկառուտ ամէնուն բարեկամն է» իր սկառուտ ընկերներուն եղբայրակցութենէն առաջ. ուստի յարգանք ունենանք ընտանեկան յարկին հանդէպ. վարժեցնելնք մեր սկառուտները՝ մեր խումբերէն ներս իրենց ստացած անմեղ հաճոյքներով ու օգտաշատ գիտելիքներով հարստացնել ընտանեկան բոյնը. օգնելնք իրենց, հասկցնելու համար թէ՛ իսկական սկառուտներ կ'ըլլան այն առեն, երբ իրենց տուններէն ներս մտնեն մաքուր ու գործնական պիտանի սովորութիւններ, որոնք պիտի երջանկացնեն

տանը: Խորունկ կերպով զգա՛նք թէ՛ ընտանիքն է, որ մեզի կը յանձնէ այն ամենամեծ ու թանկագին հարստութիւնը, որ է տղան եւ զոր պարտինք վերագարձնել իրեն, աւելի ազնիւ, բարոյապէս ու Փիղիբապէս զօրացած ու բարձրացած:

2. — Տղան սկսուտութեան զինակիցն է. Ան աշխարհ չէ եկած սկսուտութեան օգտակար ըլլալու համար, այլ սկսուտութիւնն է որ ստեղծուած է անոր օգտակար ըլլալու առաջագրութեամբ: Բայց ի՞նչպէս կրնանք օգտակար ըլլալ եւ ծառայել մէկին, որուն պէտքերուն անտեղեակ ենք: Որովհետեւ ամէն մէկ սկսուտին համար մեր ի դորձ դնելիք ծառայութեան եղանակը տարբեր կ'ըլլայ: Պէտք է նախ ճանչնալ սկսուտը բարոյապէս, մտաւորապէս եւ Փիղիբապէս, եւ ապա դայն առաջնորդել օգտակար եւ հաճելի նորութիւններով՝ անկեղծօրէն նուիրուելով անոր: Այն ատեն միայն անոնք կ'ունենան վրտասահութիւն մեզի հանդէպ ու կը դառնան մեր զինակիցը: Միօրինակ եւ սովորական դարձած յայտագրերու դորձադրութիւնը կը ճանձրացնէ տղաքը եւ պատճառ կը դառնայ որ անոնք բացակային արշաւներէ եւ հաւաքոյթներէ, որուն համար պէտք չէ դարձանալ: Բացարձակապէս անտեղեակ պէտք է ըլլալ սկսուտական նպատակներուն եւ միջոցներուն, նման անօգուտ աշխատանքներով գէշ արդիւնքներ ձեռք ձգելու համար: Նոյնպէս յոսի արդիւնք կուտան այն ճիգերը, որոնք կը ձգտին կնճստուել սկսուտական կեանքը, պատրաստելով միայն չափէն աւելի նրբացած եւ մեքենայացած սկսուտներ. ո՛չ, պէտք է կատարեալ կերպով կանոնաւորել սկսուտական խումբի մը տրուած դաստիարակութիւնն ու կրթութիւնը, որոնցմէ պիտի հոսի սկսուտին հնազանդութեան եւ կրթուելու ընդունակութեան ոգին, որ միայն կարող է ստեղծել սկսուտին երջանիկ կեանքը: Սկսուտին այդ կեանքը պէտք է ճառագայթէ եւ իր շուրջը սփռէ լոյս, որմէ տղան, ոչ — սկսուտ տղան պէտք է հրապուրուի եւ յափշտակուի:

Իր աշխատանքի սենեակին մէջ չէր որ Մեծ Պետը ստեղծեց սկսուտութիւնը, այլ տեսաւ տղաքներ, շա՛տ տղաքներ, ուսումնասիրեց անոնց խառնուածքին ու բարոյականին գանազանութիւնները, եւ ըստ այնմ անոնց հրամցուց հրապուրիչ եւ օգտակար խաղեր:

3. — Վարժարանը զինակիցն է սկսուտութեան, ուրկէ կարելի է հետեցընել թէ՛ սկսուտ խմբապետը տեղեակ է սկսուտին դպրոցական կեանքին, զոր կը ջանայ զիւրացնել եւ դարձնել հաճելի: Երբ մեր բոլոր խմբապետները հասկնան թէ՛ իրենց դորձունէյութեան ծրագիրը պէտք է աջակցի վարժարանի ծրագրի իրագործման եւ երբ հասկնան թէ՛ ո՛ր եւ է դորձարանի կամ շարժապատկերի, թանգարանի կամ կենդանաբանական ու բուսաբանական պարտէզի մը տրուած յաճախակի այցելութիւններ պիտի սատարեն իր սկսուտներուն դպրոցական կեանքին, այն ատեն եւ այն ատեն միայն ուսանող — սկսուտներուն մէջ ստեղծուելիք յաջողութիւններն ու յառաջդիմութիւնները մագնիսական անտեսանելի ուժով մը Հ. Մ. Բ. Մ. ի սկսուտական շարժան շուրջը պիտի բոլորեն հայ տղային բարոյապէս ու Փիղիբապէս բարձրացման անկեղծօրէն ցանկացող Պատ. Ուսումն. Խորհուրդներն ու Հոգաբարձուները:

Ուրեմն, միշտ մեր մօտն է որ պէտք է փնտռենք մեր յաջողութեան եւ անյաջողութեան գաղտնիքները, մէկին մօտենալու եւ միւսէն խուսափելու հա-

մար ուշադիր եւ շրջահայեաց ըլլալով : Երբեմն մերկ իրականութիւնները չափազանցօրէն կը կրկնենք ու կրկնենք, ինչ որ ու եւ է արդիւնք չեն տար, երբ պարզ իրականութիւնները կ'անտեսուին կամ կը ձգձգուին : Մեր մեծագոյն թշնամին ձգձգումն ու յուսահատութիւնն է, իսկ մեր միակ մեծ ուժը՝ ԿԱՄՔԸ. ահա մեր անյաջողութեան եւ յաջողութեան գաղանիքը : Եւ որպէս զի հասնինք մեր նպատակին, պէտք է, յարգենք ընտանիքը՝ զինակիցը սկաուտին, հասկնա՛նք ու ճանչնա՛նք տղան՝ զինակիցը սկաուտութեան եւ օժանդակենք վարժարանին, որ իր կարգին զինակիցն է սկաուտութեան եւ ի լրումն մենայնի ապահովենք այս երեք անդէն եւ խաղաղութեան ցանկացող ու ձգտող զինակիցներուն փոխադարձ ու մաքուր զինակցութիւնը եւ ահա այն ատեն շարքերու պակասը զգալի չպիտի ըլլայ :

ՀԱՅ ՍԿԱՌԻՏ

Հ. Մ. Ը. Մ.
ԵՒ



ՍԿԱՌԻՏԱԿԱՆ
ՎԱՐՉԱՏՈՒՆԷՆ

« Հայ Սկաուտ » ըլլալով Հ. Մ. Ը. Մ. ի եւ հայ սկաուտներու պաշտօնաթերթը, կը յիշեցնենք բոլոր Շրջաններուն թէ՛ անոր մէջ գրուած ու եւ է յայտարարութիւն եւ հրահանգ պաշտօնական է եւ հետեւարար գործադրելի՝ առանց մասնաւոր շրջաբերական հրահանգի :

Գ. ՅԱԿՈՒԵԱՆ

ՆԻՍՏ ՍԿԱՌԻՏԱԿԱՆ ՎԵՐԻՆ ՄԱՐՄՆՈՅ (4 Գեկտ. 1934)

Ներկաներ՝ Եղբայրք Ն. Օհանեան, Գ. Յակոբեան, Գ. Մերձանօֆ, Յ. Պապէսեան, Տոքթ. Պալասան, Ժ. Մինթանճեան : Մարտիլիայէն Եղբ. Կարօ Ուշադրեան ներկայացուցած էր իր գրաւոր առաջարկները :

Տրուեցան կարգ մը խիստ կարեւոր որոշումներ, որոնք կը հաղորդուին յառաջիկային :

ՀԱՅ ՍԿԱՌԻՏԱԿԱՆ ՎԵՐԻՆ ՄԱՐՄՆՈՅ գնահատելով թերթի խմբագրութեան ու վարչութեան բրած նիւթական ու բարոյական գերազոյն գոհողութիւնները, ներկայիւս կը հրահանգէ բոլոր շրջաններուն, լրջօրէն աջակցել անոր՝ նիւթապէս եւ բարոյապէս, Հայ մանուկին բարձրացման միակ ազգակը եղող սոյն հանդէսին տեւականացումը ապահովելու համար :

ԵԳԻՊՏՈՍԻ Նրջ. Վարչութիւն. — Ստացանք, շուտով կը պատասխանենք :

(Ծարուակաւութիւնը կարգալ վերջին էջ)

Հ Ա Յ Ա Ս Տ Ա Ն

ԱՆՒԱՐԶԱԳՐՈՒԹԻՒՆ ՀԱՅԱՍՏԱՆԻ

(Շարունակութիւն նախորդ բիւլեն)

12. Հայաստանի միւս լիճերն են. Կապուտանի կամ Ուրմիտայ լիճ, որուն ջուրը շատ աղի ըլլալուն պատճառաւ ձուկ չունի: Ունի շատ մը կղզիներ, որոնց մէջ նշանաւոր են Չիերու կղզի, Էշերու կղզի, Ոչխարներու կղզի: Գնդախայ լիճ, (պատ. 9), որ շատ գեղեցիկ է՝ իր շքեղ կապոյտ ջուրով եւ բարձրաբեր սեւաբաններով: Իր մէջ կայ Սեւանայ կղզին, որուն վրայ կը գտնուի



Պատկեր 8



Պատկեր 9

Երեք եկեղեցիներով վանք մը: Չուրը անոյշ է եւ ունի շատ մը տեսակ ձուկեր, որոնց մէջ նշանաւոր է իշխանաձուկը (պատ. 10):


13. Գեղամայ լիճը կը գտնուի Ռուսահայաստանի այն մասին մէջ, ուր կազմուած է 1918-էն ի վեր Հայաստանի ներկայ կառավարութիւնը:

14. Հայաստանի Երկրորդական լիճերն են. Ծովակի Հիւսիսի, Գայլատայ ծով, Ծովք լիճ կամ Խարբերդի ծով, Վանայ ծովին մօտ՝ Արջակու լիճ եւ Նազիկ լիճ, իսկ ներկայ Հայաստանի մէջ՝ Մեծամօրի լիճ: Հրաշագեղ լիճ մըն մըն է Թորքոմի լիճը, որ շրջապատուած է գեղեցիկ տեսարաններով:

15. ԳԵՏԵՐ. — Հայաստանի մէջ ձմեռը ամենուրեք առատ ձիւն տեղալուն պատճառաւ կը գործնան անհամար լիճեր, ակեր եւ գետեր:

16.— Հայաստանի գետերուն մէջ նշանաւոր են. Եփրատ, Տիգրիս, Չոբոս, Ալիս, Իրիս, Սիւան, Ճիւան եւ Արզի Հայաստանի մէջ Հայերուն նուիրական գետը՝ Երասխ կամ Արաքս, որ հինէն ի վեր Հայաստանի սահմանին մէջ գտնուած է (պատ. 11) :

Երասխ գետին մէջ թափող բարձրագոյն գետակներէն նշանաւոր են՝ Ախուր-



Պատկեր 10

Էան, որուն եզերքը շինուած է Հայաստանի հին մայրաքաղաքը Անի, եւ Տըղմուտ գետը, որուն հովիտին մէջ կը տարածուի Աւարայրի դաշտը : Այս դաշտին մէջ է որ սպարապետ Վարդան դորափար կրակապաշտ Պարսիկներու դէմ պատերազմած է 1500 տարի առաջ : Այս պատերազմը ծանօթ է սլամովեան մէջ Վարդանանց Պատերազմ անունով :

17. ԿԼԻՄՍՅ.— Հայաստանի երկինքը ջինջ ու պայծառ է : Թէեւ ձմեռը երկարատեւ եւ խիստ է, բայց ամառը մեղմ է : Հայաստանի կլիման ընդհանրապէս ասոյջ է :



Պատկեր 11

18. ՀԱՅԱՍՏԱՆԻ ԲՆԱԿԱՆ ՊԱՏՄՈՒԹԻՒՆԸ.— Հայաստան ունի խիստ օգտակար եւ թանկագին հանքեր : Ինչպէս, ծծումբ, երկաթ, պղինձ, արծաթ, ոսկի, կապար, հանքածուխ, պողլեղ եւ ալումակ (հանքային աղ) : Իսկ քարերէն ունի մարմարիտն, կայծքար, թերթաքար, չեչաքար (սպնդաքար), դանազան շինութեան քարեր, հայկաւ եւ բիւրեղաքար կամ վանակն (պատ. 12) :

19.— Հայաստանի լաւ ստուգուած մասերուն մէջ յաջողութեամբ կը մշակուին բամպակենի, կիտրոնենի, չաքարեղէզ, պիտտակենի (չորսն ալ Կիլիկիա), ծիրանենի, գեղձենի, թթենի, որթատունկ, սերկելէլենի, կեռասենի,

ցի եւ կամ վայրի էշ, վիթ եւ այծեամ (երկուքն ալ կիլիկիա (պատ. 14, 15),
բաղէ (պատ. 16), արծիւ (պատ. 17) եւ Հայերու սիրելի կռունկն ու ծիծեռ-
նակը (պատ. 18) :



Պատկեր 14



Պատկեր 15



Պատկեր 16



Պատկեր 17

22. — Միջատներէն կան մեզու, գեղեցիկ թիթեռնիկներ եւ որդան կարմիր
բուսած մանր միջատը, որմէ պատրաստուած ներկով ծիրանի կը ներկեն : Այս
միջատը կը գանուի Արարատ լեռան ստորոտը եւ Երասխի ափերը :

23. — Հայաստանի ձուկերէն նշանաւոր են՝ կարմրախայտ, իշխանաձուկ,
լոստի եւ վանայ ծովին « տառեխ » : Իսկ սողուններէն կան թունաւոր ու ան-
թոյն օձեր եւ մողէսներ :

(Շարունակելի)

ՄՈՒՏՔ ՍԿԱՌԻՏԱԿԱՆ ՉԱՐՔԵՐԷՆԵՐՍ

Հ. Մ. Ը. Մ. ի Սկաուտ Ընդհ. Միութիւնը յարգելով ուրիշներու դադարները, բայց է ամէնուն առջեւ առանց ընկերա — դատարարգային եւ յարանուանական խորութեան : Ան կ'աջակցի իր անդամներու ընդհ. դատարարակութեան, քաջալերելով զանոնք՝ իրենց արժանիքները ծաղկեցնելու, ըլլայ այդ փիզիքական, բարոյական թէ մտաւորական հողի վրայ :

Հայ սկաուտներու շարժումը հիմնուած է 1912-ին Գ. Յակոբեանի, Յ. Հինգլիեանի եւ լուսահողի Շ. Քրիսեանի կողմէ եւ վաւերացուած է 1918-ին Պոլսոյ Ազգային Երեսօրինանական Ժողովի կողմէ իբր ԱԶԳԱՅԻՆ եւ ՀԱՆՐԹԳՈՒՏ Միութիւն :

Հ. Մ. Ը. Մ. ի Սկաուտներու Ընդհանուր Միութիւնը կը զեկավարուի Սկաուտական վերին Մարմինէն, որուն անդամները կ'ընտրուին, ամէն երեք տարին անգամ մը, սկաուտ պատգամաւոր աստիճանաւորներու Ընդհանուր — ներկայացուցչական Համագումարին :

Միութիւնը կ'ընդունի իր շարքերէն ներս, ծնողական մասնաւոր արտօնադրով, բոլոր պատանի, երիտասարդ եւ ուսնները, եւ կը տեղաւորէ զանոնք, իրենց տարիքին համեմատ՝ 8 — 12 Գայլիկ եւ Ծիծեռնակներու, 12 — 16 կայա եւ սկաուտներու, 17-էն վեր՝ երէցներու բաժնին մէջ եւ որոնք կը կոչուին քեկնածու կամ կակուղ — տոտիկ :

Թեկնածուն, սկաուտական տեղական խորհուրդին կողմէ արձանագրուելէ յետոյ, անոր որոշումով, կը յանձնուի խմբակի մը առաջնորդին, եւ նուազագոյն մէկ ամիս նոր ընծայի քննութեանց համար հրահանգուելէ եւ երեք արշաւներու մասնակցելէ վերջ միայն, կը սկսի անցընել նոր ընծայի քննութիւնը : Այդ միջոցին կրնայ կրել սկաուտական տարազ, առանց ս եւ է նշանակի :

ՆՈՐ ԸՆԾԱՅ ՍԿԱՌԻՏ մը՝ պարտի գիտնալ, բացատրել եւ գործադրել հետեւեալները. —

- 1) Սկաուտին՝ խոստումը, դաւանանքը եւ նշանաւորներ :
- 2) Հետախուզական վեց նշանները եւ հանգոյցները :
- 3) Բարեւները եւ անոնց նշանակութիւնը :
- 4) Սկաուտական կարգերը, աստիճանները, տարազը, շարքերը, պաշտօնները եւ ճիւղերը :
- 5) Կանոնաւոր կերպով կատարել բնական եւ շուէտական մարզանքներու գլխաւոր փորձերը եւ կարգապահական վարժութիւնները, բերնով, ձեռքով եւ սուլիչով հրամանները :
- 6) Կողմնացոյցի ութը կողմերը :
- 7) Բաց օդին մէջ կրակ վառել եւ օճախ մը շինել :
- 8) Իր ցեղային ծագումը :
- 9) Արդի Հայաստանի սահմանները (դրացի երկիրները), գլխաւոր քաղաքները, լեռները, գետերը եւ լիճերը :

10) Բաժանորդագրուիլ « Հայ Սկսոււտ »ին, կարգալ զայն. դրաւոր կերպով բացատրել դաւանանքէն երկու յօշուած :

11) Ազգային, միութենական եւ սկսուտական դրօշներու հանգամանքը, պարզելու, յարգելու եւ բարեւելու եղանակը :

12) Մարդկային մարմնոյն երեք բաժանումները եւ հինգ զգայարանքները :

13) Պահակի դրութիւն եւ պարտականութիւնները :

14) « Քիմի » խաղին ծագումն ու պատմութիւնը :

15) Վարժ կերպով պատէ, ձողէ, ծառէ եւ չուանէ մը մագլցելու կերպը :

16) Վեց ամսուան մէջ ներկայացնել առ նուազն երկու ձեռական աշխատանք :

17) Միութենական մտից, ամսական, տպահատարութեանց եւ ինքնութեան տոմսի տուրքերը վճարած ըլլալ :

ԾԱՆՕԹ. — Սկսուտ մը 13 տարեկանը լրացնելէ եւ վեց ամիս նոր ընծայ մնալէ վերջ միայն կրնայ երկրորդ կարգի քննութիւնը անցընել :

Բացատրութիւն նոր ընծայի 17 պայմաններուն

1. — Սկսուտին խոստումը, դանանքը, նշանարանը եւ կարգախօսը. —

ԽՈՍՏՈՒՄ. — Պատուոյս վրայ կը խոստանամ :

1) Ըլլալ հաւատարիմ Աստուծոյս եւ ծառայել հայրենիքիս :

2) Միշտ օգնել ուրիշին, եւ գործել իբր պարտականութեանը զխտակից արի եւ վեհանձն մարդ :

3) Հնազանդիլ հայ սկսուտի դաւանանքին :

(Շար.)

ՍԿՍՈՒՏԱԿԱՆ ԹԷՔՆԻԲ ՅԱՆՁՆԱԽՈՒՄԻ



ՄԱՐՍԷՅԼԻ ԳԱՅԼԻԿ ԵՒ ՍԿՍՈՒՏՆԵՐԷՆ ՄԱՍ ՄԸ

ԵՐԷՑՆԵՐՈՒ ԱՆԿԻՒՆ — Ա .

ԾՐԱԳԻՐ-ԿԱՆՈՆԱԳԻՐ ԵՐԷՑ ՍԿԱՌԻՏՆԵՐՈՒ

Նշանակութիւն . — Երէց — Սկառւածները (Ռօվլըն Սֆուլթ) սկառւածական շարժման որոշ ճիւղերէն մին կը կազմեն 17 տարեկանէն սկսեալ, երիտասարդներու ու չափահասներու ընդհ . դաստիարակչութեան մեթոտ մըն է :

Ընդունելութեան պայմաններ . — 17 տարեկանը թեւակոխող ամէն սկառւած եւ ոչ — սկառւած կրնայ մաս կազմել սկառւածական շարժման երէցներու ճիւղին . եթէ թեկնածուն սկառւածական շարքերէն է որ կուզայ, իր խումբի խմբապետին մասնաւոր գրաւոր արտօնութեամբն է որ կը ներկայանայ, արդէն իսկ գոյութիւն ունեցող « փաղանդ » ի մը պետին : Եթէ նոյն թաղին մէջ « փաղանդ » գոյութիւն չունի, այն առեւն թեկնածուն, իր հետ 4 — 5 թեկնածուներ եւս գտնելով՝ իրենց խումբի խմբապետին խորհուրդներով հիմը կը դնեն նոր « փաղանդ » ի մը, որ ուշի ուշով կը հետեւի երէց — սկառւածներու կանոնադիր — ծրագրին . իսկ ոչ — սկառւած մը, երբ կ'ուզէ « թեկնածու — երէց » արձանագրուիլ, պարտի ներկայանալ « փաղանդ » ի խմբապետին՝ ի ձեռին ունենալով բարի վարույց եւ արժանաւորութեան վկայագրեր, որոնցմով ի վերջոյ պիտի ներկայանայ Երէցներու Խորհուրդին :

Երէցներու Խորհուրդը հարցաքննութիւններէ վերջ է, որ « եկողը » կը ճամբէ ու անոր բացակայութեան կուտայ իր որոշումը « ընդունուած » կամ « ոչ » պատասխանով :

Ոչ — սկառւած մը երբ իրր թեկնածու երէց ընդունուած է, իր թեկնածութեան շրջանին պարտի կատարել սկառւածին խոստումը եւ դորձադրել անոր գաւանդը . իսկ առիկ դաս, ամէնքը պարտին կատարել Երէցներու հետեւեալ խոստումը . —

- 1) Կը խոստանամ՝ հրաժարիլ ազայական անտեղի հաճոյքներէ :
- 2) Կը խոստանամ մարմինս պերժ պահել, ամէն խոշաանդումներէ, որպէս զի գոյն անարատ նուիրեմ ազգայ կոյակցիս :
- 3) Կը խոստանամ ծառայել ազգիս, պարագաներուս եւ Հ . Մ . Ը . Մ . ի Հայ Սկառւածներու Ընդհ . Միութեան, անոր փրօփականտին եւ աճումին, հարթելով եւ ծաղկեցնելով անոր զձած ճանապարհը, եթէ այդ ճամբուն վրայ, խոչընդոտներու եւ արգելքներու հանդիպիմ, կը խոստանամ, հարթել ու տառապալել գանոնք, նոյն իսկ կեանքիս գինովը :

Երէց սկառւածներու նշանաբանն է՝ « Բարձրացիր եւ Բարձրացուր » . իսկ կարգախօսը՝ « Ծառայել ու Պահպանել » : Երէց սկառւածներու պաշտօնական քայլերքն է .



Հ.Մ.Ը.Մ.Ի ՍՈՒՐԻՈՅ ԵՒ ԼԻԲԱՆԱՆԻ ՇՐՋԱՆԻ ԳՈՐԾՈՒՆԵՈՒԹԻՒՆԸ

5 — Թրիփօլի . — Կազմուած է 1928-ին . գործունէութեան ընդարձակ դեպքին մը չէ ունեցած , գրադած է առաւելապէս Փութպօլի խաղեր կազմակերպելով : Իր Ա . խումբը միշտ մասնակցած է միջմասնաճիւղային Բ . դասակարգի մրցումներուն : Տուած է յաճախ դասախօսական ժողովներ ու ներկայացումներ . աշխատող տարրեր անպակաս են , ու քիչ մը աւելի կազմակերպուած ջանքերով կարելի է աւելի փայլուն շրջան մը բոլորել : Վերջերս ունեցաւ կարեւոր մրցում մը քաղաքի « Ինիօն Սրօրթիլ Թրիփօլի »-ի հետ որը մեծ յոխորտանքով դաշտ իջած է 12 կօլերով պարտութեան մասնելու Հ . Մ . Ը . Մ .-ը , բայց արդիւնքը եղած է աննպաստ , մեր տղաքը կանոնաւոր խաղարկութենէ մը յետոյ յաղթական դուրս ելած են 2 - 1-ով , ինչ որ շնորհաւորելի է ի տես հակառակ խումբի կարողութեան : Մասնաճիւղը սկսուածներ չունի անդամներու թիւը կը հասնի 40-ի , իսկ պիւտճէն՝ 3,000 Ֆրանք :

6 — Լաքսփիա . — Հիմնուելու թրւականէն (1928) մինչեւ 1933 գրադած է առաւելապէս Փութպօլով ու դասախօսական կրթիչ հաւաքոյթներով : Իր Ա . եւ Բ . խումբերը որոնցմէ առաջինը տեղւոյն տեղացի եւ Ֆրանսացի խումբերու հետ ունեցած իր մրցումներուն մէջ միշտ յաղթական դուրս ելած է : Հ . Մ . Ը . Մ .-ի միջմասնաճիւղային տարեկան հանդիպումներուն , մինչեւ 1931 կը մասնակցէր Բ . դասակարգի մրցաշարքերուն , բայց այդ թուականին ցոյց տուած իր յաջողութիւններն ու խաղի թէքնիքի զարգացումը , առիթ տուին իրեն արժանի դասուելու Ա . դասակարգի խումբերու մէջ , ու իսկապէս ալ այդ բարձրացումը իր օգտա-

կարութիւնը ունեցաւ , խթանելու համար խաղացողները , որպէս զի ջանան Ա . դասակարգի խումբերու մէջ արժանի դասուելու իրաւունքը արդարացնելու :

Մասնաճիւղը այժմ ունի 36 հազուած սկսուածներ , որոնց զգեստաւորումի ամբողջական ծախքերը սիրով տրամադրեցին Պէյրութի համակրելի վաճառականներէն Սանամիրեան Եղբայրները , որոնք մասնաճիւղի բարերար անդամները ընդունուած են մասնաճիւղի ընդհ . ժողովին կողմէ առ ի դնահատանք անոնց ցոյց տուած ազնիւ զգացումներուն հանդէպ Հ . Մ . Ը . Մ .-ի Լաթաքիոյ մասնաճիւղին :

Մասնաճիւղը տեղացի խումբի մը հետ միասին ունի մարդադաշտ մը ճրիօրէն տրամադրուած կառավարութեան կողմէ , ուր մեր եղբայրները համերաշխօրէն տեղացիներուն հետ կ'օգտապարծեն զայն :

Անդամներու թիւը 60 է , իսկ տարեկան պիւտճէն՝ 2,500 Ֆրանք :


7 — Գրըզխան . — Հակառակ դադութի սակաւաթիւ հայերուն , Հ . Մ . Ը . Մ .-ը յաջողած է իր դրօշին տակ համախմբել փոքրաթիւ եւ կղզիացած դադութի բացարձակ մեծամասնութիւնը : Ինչպէս ամէն տեղ , հոս եւս երբ 1931-ին կազմուեցաւ , Հ . Մ . Ը . Մ .-ի մասնաճիւղը , միայն 10 անդամներ քաջութիւնը ունեցան առաջին քարը դնելու , բայց այդ տասը շուտով բարձրացաւ 20-ի , 30-ի , ու այժմ մասնաճիւղերու մէջ իր լուռ աշխատանքներովը՝ եզակի կարելի է համարել :

Մասնաճիւղի գործունէութեան առանցքը կը կազմէր առհասարակ Փութպօլը , բայց վերջին տարին , Շրջ . Վարչութեան թելադրանքին վրայ կազմուեցաւ սկսուածական բաժին մը , ու պէտք է

րակ, ի պատիւ այս փոքրիկ մասնաճիւղին, որ այն վերջին միջմասնաճիւղային մրցումներուն մասնակցեցաւ անակնկալօրէն 65 հազուած եւ սիրուն սկաուտներով:

Իր Փութպօլի խումբը միշտ գործի վրայ է, քաղաքին մէջ ներկայանալի

8 — Հոմս — Կաղմուած է 1932-ին, ու ցարդ կը պահէ իր գոյութիւնը. ուժերու եւ պայմաններու ներած չափով վարչութիւնը կ'աշխատի վառ պահել մարդանքի սէրը երիտասարդութեան մէջ: Ունի Փութպօլի խումբ մը որ միշտ կը մասնակցի միջմասնաճիւղային մրցումներու



խումբեր չգանուելուն համար, յաճախ մրցումներու համար կ'երթայ մօտակայ քաղաքները ինչպէս՝ Ալէքսանաթէթ, Անտիպ, Բիհանի, Հալկպ, եւ այլն:

Ունի իր սեփական դաշար: Անդամներուն թիւն է 32, իսկ պիւտձէն՝ 1,000 Փրանք:

Բ. դասակարգի շարքերուն մէջ:

Անդամներու թիւն է 25, իսկ պիւտձէն՝ 1,000 Փրանք:

(Շարունակելի)

ՊՈՒԼԿԱՐԻՈՅ ՇՐՋԱՆ

ՏԵՐԵԿԱՆ ԲԱՆԱԿՈՒՄ

Օգոստոս 5 - 13 տեղի ունեցաւ սկաուտական բաժնի տարեկան բանակումը Ֆիլիպէէն 28 քիլոմէթր հեռաւորութեան վրայ գտնուող Պոյքօլօ գիւղի մօտ, անտառներով շրջապատուած գեղեցիկ վայրի մը մէջ, սառնորակ աղբիւրի մը մօտ:

Ամէն առաւօտ սկաուտները կանոնաւոր շուէտական մարզանքներ կ'ընէին, լողանքէ ու մաքրութենէ վերջ, գրօշի պարզում եւ յետոյ կը սկսէր խմբակային մրցումները, եւ այլն:

Ի մէջ այլոց սոյն բանակումի ընթացքին տեղի ունեցան մտքի, չափելու, գործնական գիտելիքներու, մօռսի, հաւաքածոներու եւն.ի մրցումներ, ինչպէս նաեւ սկաուտներու համար չա՛տ հետաքրքիր 24 ժամուան խմբակային մրցումները:

Կը մասնակցէին հինգ մրցորդ խմբակներ մօտ 45 սկաուտներով եւ 30-ի չափ հիւրեր Զ. Մ. Ը. Մ. ի մարզիկներ եւ համակիրներ:

Մրցումներու մէջ հետեւեալ խմբակները առաւելագոյն կէտեր ստացան. —

« Արծիւ » խմբակ 240 կէտ, « Օձ » խմբակ 236 կէտ, « Շուն » խմբակ 228 կէտ, « Աքլոր » խմբակ 220 կէտ եւ « Գայլ » խմբակ 210 կէտ:

Առաջին երեք խմբակներուն տրուեցան խմբակային մետալներ:

24 ժամուան մրցումներէն առաջին հանդիսացաւ « Շուն » խմբակը 47 կէտ եւ երկրորդ հանդիսացան « Արծիւ », « Օձ » եւ « Աքլոր » խմբակները 45-ական կէտով եւ երրորդ « Գայլ » խմբակը 41 կէտով: Սոյն խմբակներուն նոյնպէս տրուեցան մետալներ:

Բանակումի ամբողջ տեւողութեան պուլիար եւ հայ ազգային եռագոյնները կը ծածանէին:

Իսկ « Կրակի շուրջ » երը ստեղծեցին ընդհանուր խանդավառութիւն:

Բանակումի ի նպաստ Պր. Յակոբ Մալխասեան նուիրեց 500 լէվա: Իսկ ուրիշ ազգայիններ խոստացան վրաններ նուիրել, տեսնելով փոքրիկ հայորդիներու մրջիւնի լոիկ ազգաչէն աշխատանքները:

Բանակումի ընթացքին — Կէս գիշեր մը տրուեցաւ « Ահագանգ », բոլոր սկաուտները երկու վայրկեանի մէջ ոտքի էին եւ տրուած հրամանին վրայ անվախօրէն ցրուեցան անտառին մէջ կարծեցեալ վիրաւորը գտնելու եւ խնամելու համար . . . :

Բանակումի ընդհանուր պետն էր մասնաճիւղիս աւագ խմբապետ եղբ. Պօղոս Գանթարեան, իրեն օգնականներ ունենալով Եղբ. Սիմոն Ճամճեան եւ Զակէն Փափաղեան եւ վարիչներ Յ. Պաճաքեան ու Պ. Փափաղեան:

Օտար եւ հայ այցելուներ իրենց հիացումը յայտնեցին բանակումի կարգ
ու սարքին ու կարգապահութեան մասին :

Բանակումը փակուեցաւ կիրակի կէս օրէ վերջ մեծ շուքով ու բաշխուե-
ցան մրցանակներ խմբակներու : Սկառուտները ճամբայ ելան զէպի իրենց տու-
ները մազուող անձրեւի տակէն , առոյգ քալուածքով տանելով իրենց հետ զե-
ղեցիկ եւ անուշ յիշատակներ :

Ֆիլիպէ

Ս ՃԱՄՃԵԱՆ



ՊՈՒԼԿԱՐԱԿԱՆ ԲԱՆԱԿՈՒՄԻՆ

ՀԱՅ ՄԿԱՌԻՏՆԵՐՈՒ ՄԱՍՆԱԿՑՈՒԹԻՒՆԸ ԵՒ ՁԵՌՔ ՁԳԱՆ
Յ Ա Ջ Ո Ղ Ո Ւ Թ Ի Ի Ն Ն Ե Ր Ը

Պուլկար սկառուտներու Սօֆիայի Մ .Ճիւղին կողմէ կազմակերպուած էր
Սկառուտ . Ընդհ . Բանակում մը , որ տեղի ունեցաւ յուլիս 7 - 12, Սօֆիայի
« Պորխովա Կրատինա » կոչուած գեղեցիկ պարտէզին մէջ , մասնակցութեամբ
աւելի քան 300 սկառուտներու , որոնք եկած էին Պուլկարիոյ զանազան քաղաք-
ներէն : Ի մէջ այլոց , մասնաւոր հրաւէրներու պատասխանելով իրենց մաս-
նակցութիւնը բերին նաեւ Սօֆիայի եւ Պուրկաղի Հ . Մ . Ը . Մ .ի հայ սկառուտ-
ները եւ Ձեխոսլովաքիոյ կողմէ ներկայացուցիչ սկառուտ - պետ մը :

Բանակումին բացումը տեղի ունեցաւ մեծ հանդիսութեամբ եւ խուռն բազ-
մութեան մը ներկայութեան : Պաշտօնական անձնաւորութեանց կարգին ներ-
կայ էին՝ Պատերազմական նախարարը , պուլկար ամենաբարձրատիճան կրօ-
նականներ , Սօֆիայի քաղաքապետը , եւն . , եւն . :

Բանակումի ամբողջ տեւողութեան ընթացքին , Սօֆիայի հայ հասարա-
կութիւնը այցելեց բանակավայր եւ խրախուսեց հայ սկառուտներու աշխա-
տանքը ու խանդավառուեցաւ անոնց ձեռք ձգած գնահատելի յաջողութիւն-
ներով :

Չորս օրուան ընթացքին տեղի ունեցան սկառուտական զանազան խաղեր եւ
մրցումներ , ինչպէս , կամուրջ շինել , դիտարան կառուցանել , վիրաւոր դար-
մանել եւ փոխադրել , ֆարտէգներ գծել , բարիք ընել , « ֆիւմ » խաղ , եւն . ,
եւն . , որոնց մէջ , մեր հայ տղաքը մեծ յաջողութիւններ ձեռք ձգեցին : Մաս-
նաւորաբար Պուրկաղի մրցող « Ձի » խմբակը , կարգ մը մրցումներու մէջ բա-
ցարձակ առաջնութիւն ձեռք ձգեց (ֆարտէգ գծել , վիրաւոր դարմանել , « ֆիւմ »
խաղ , եւն .) եւ ընդհ . ամամբ յաջողագոյնը հանդիսացաւ :

Թէեւ մրցումներու մէջ առաջնութիւն չահող խմբակը չի յայտարարուե-
ցաւ , սակայն , մրցումներու ընդհ . վարիչին հետ ունեցած մէկէ աւելի խօ-
սակցութեանցս ընթացքին ան իր հիացումը յայտնեց ինծի Պուրկաղի « Ձի »
խմբակին մասին , աւելցնելով որ , ան սկառուտական իսկական խմբակ մըն է եւ
յաջողագոյնն է շատ մը մրցումներու մէջ :

Մեր տղոց կարգապահութիւնն ալ դովելի էր: Անոնք մեծ հոգ կը տանէին վրաններու կանոնաւորութեան, զարգարանքին եւ բանակաւայրի մաքրութեան: Այս օտթիւ, կարելի չէ զնահատանքով չարտայայտուիլ Սոֆիայի աւագ խմբապետ եղբայր Լ. Գաղանձեանի տարած անխոնջ աշխատանքին մասին, որուն կը պարտին Սոֆիայի հայ սկաուտները, իրենց բանակաւայրի մաքրութիւնը եւ կանոնաւորութիւնը:

Բանակումի «կրակի շուրջ» երուն ալ, մեր հայ սկաուտները գեղեցիկ եւ սգեւորիչ թիւերով կը մասնակցէին եւ կը զնահատուէին:

Ընդհանուր ատմամբ, հայ սկաուտներու մասնակցութիւնը սուլկարական այս ընդհանուր բանակումին շատ լաւ օղակորութիւն թողուց օտարներուն վրայ եւ առիթը ստեղծեց հայ անուր բարձրակազմու եւ գնահատուելու:

ԳՐ . Խ . ԶԻԼԻՆԿԻՐԵԱՆ

(Սկտ . փոխ-խմբապետ)

ՍԿԱՈՒՏԱԿԱՆ ՎԱՐՉՈՒԹԵՆԷՆ

(Շարունակութիւն էջ 132-էն)

ՊԱՐՍԿԱՍՏԱՆԻ Շրջ . վարչութիւն . — Նմանապէս:

ՍՈՒՐԻՈՅ Շրջ . վարչութիւն . — Պետին զրութեան պատասխան կը սպասենք:

ՀՆԴԿԱՍՏԱՆԻ Մասնաճիւղի կազմութեան հրահանգ եղբ . Օ . Գովանի:

ՊՈՒԼԿԱՐԻՈՅ Շրջ . վարչութիւն . — Եռամսեայ տեղեկագրի կը սպասենք:

ՌՈՒՄԱՆԻՈՅ Շրջ . վարչութիւն . — Եռամսեայ տեղեկագրի կը սպասենք:

ՄԻԱՅԵԱԼ ՆԱՀԱՆԳՆԵՐ . — Ստացանք: Երկամսեայ տեղեկագրի եւ մանրամասն նամակի կը սպասենք:

ՊՐԱԶԻԼԻԱ ԵՒ ԱՐԺԱՆԹԻՆ . — Կը փափաքէինք որ-լուծութիւնը խզէիք:

ՀՐԱՀԱՆԳ . — Բոլոր Շրջ . վարչութեանց Ատենապետները անյատկապ մեզ զրկեն իրենց հասցէն: Նոյնպէս մեզ զրկեն Շրջ . Սկաուտ — Պետերը Շրջ . վարչութեանէն վաւերացուած իրենց հասցէները: (Մեր հասցէն՝ 55, Ռիւ տը Մօ, Փարիզ (19) :

ՅՈՒՆԱՍՏԱՆԻ Շրջ . վարչութիւն . — Առինք ուրախառիթ լուրերը . յաջողութիւն:


ՓՈՒՔՐԻԿ ԳԻՒՑԵՐ ԵՒ ՀԱՃՆԷԼԻ ԳԻՑԵԼԻՔՆԵՐ

— 0 —

Թիւ 1. — Յրանսայի կայսրը՝ Նափոլէոն Ա. Ս. Հեղինէ կղզիին մէջ ուսանի մը սակ եղող իր գերեզմանը կը դիտէ. գտնել այս պատկերին մէջ եւ թափանցիկ թուղթ մը դնելով պատկերին վրայ Նափոլէոնի պատկերը դժել կարմիր մասիտով, եթէ միւս առարկաները գծուին կապոյտով: (Պատկեր 1):



Պատկեր 1



Պատկեր 2

Թիւ 2. — Նափոլէոն, պատերազմին մէջ թեւին մէկը կորսնցնող զինուորի մը պատուանշան կուտայ: Չինուորը կը հարցնէ Նափոլէոնի թէ՛ « Վեհափա՛ռ տէր, մէկ թեւս կորսնցնելուս ի վարձատրութիւն՝ ինձի պատուոյ լեզէոնի աստիճան տուի՞ք, եթէ երկու թեւս կորսնցնէի, ի՞նչ պիտի տայի՞ք » — պատուոյ լեզէոնի սպայի աստիճան, կը պատասխանէ Նափոլէոն: Այն ասան զինուորը սուրը քաշելով՝ միւս թեւն ալ կը կտրէ: Այս պատմութեան մասին փոքրիկ սկաուտներ ի՞նչ կը խորհին կամ ի՞նչ ըսելիք ունին. ամենէն խելացի պատասխանին կը սպասենք:

Թիւ 3. — Գզրոցի մը կոճակին ծակը մեծցած եւ կամ դամը ինկած ըլլալով՝ կոճակը կ'իյնայ յաճախ: Չայն իր ծակին մէջ լաւ մը հաստատելու համար անոր Ա. կէտէն գնդասեղ մը դամելէ վերջ, անոր գնդիկը կտրեցէք եւ Բ ձեւով երկու ծայրերը ծռելով գզրոցին ծակէն բռնութեամբ ներս հրեցէք կամ մեղմութեամբ դամեցէք: Գեղասեղը Գ ձեւով ծռած ըլլալով գզրոցին կոճակը հաստատուած կը մնայ իր սեփական ծակին մէջ եւ այլ եւս չիյնար: (Պատ. 2):

Հանելուկներու պատասխանը դրկել ծանօթ հասցեով (տեսնել 1 Գեկ-տեմբերի թիւը):



ՈՒՍԱՆՈՂԱԿԱՆ ՖՕՆՏ

Փարիզի սկաուտներէն 100 Փրանք 50 սանթիմ :

ՓՈՒՆԱՆ ՍՏԱՅԱԳՐԻ

Հ. Արրահամեան 20 Փր., Մանուկեան (նպարալաճառ) 20 Փր., Փարիզի սկաուտներ 73.50 Փր., Գահիրէի Հ. Մ. Ը. Մ. 30 Փր., Ոմն 20 Փր. :

ՄԷԿ ՏԱՐՈՒԱՆ « ՀԱՅ ՍԿԱՌԻՏ » ԿԸ ՆՈՒԻՐԵՆ

Ոմն, Ռէնսիի Դպրոցաւէր Տիկնանց Վարժարանին :

Ոմն, Սեւոի Մուրատեան Վարժարանին :

Սամուէլեան, Մօնթէվիտէոյի (Ուրուկուէյ) Ազգ. Մամիկոնեան Վարժարանին :

ՆԱՄԱԿԱՏՈՒՓ

Եղբ. Սափրիչեան (Բիրէա) . — 100 Փրանքը դեռ չստացանք :

Եգիպտոսի Շրջ- Վարչ. — 1, 10 եւ յառաջիկայ թիւերէն քանիկա՞ն օրինակ կ'ուզէք : Ղրկեցէք որոշ եւ մնայուն հասցէ :

Մեր Ընտանիքը . — Ուրախութեամբ կը տեղեկացնենք վեթերան սկաուտ-խմբապետ եւ մարզիկ եղբ. Գրիգոր ձօլօլեանի նշանախօսութիւնը ընդ Օրիորդ Էպրուհի Նալպանտեանի : Մեր խնդակցութիւնները : Հայ Սկաուտ

ԾԱԽՈՒ ԳՐՔԵՐ (ԿԱՆԻՒԿ)

Հայաստանի Աշխարհագրութիւն Յ. Գ. Պապէսեան 10 Փրանք. արտասահման 12 Փր., Սկաուտներու՝ 6.50 Փր. :

Համայնագիտ. քարտէս Հայաստանի 6 և 8 Փր. : Հայ Սկաուտներու 3 Փր. :

Ողբ Եդեսայ. տղ. Փարիզ 1818 փառակաղմ 100 Փր. :

A travers l'Arménie Russe. պատկերազարդ 1893 Փարիզ 85 Ֆրանկ Collections des Historiens anciens et moderne de l'Arménie. Վ. Լանկլուա 2 հատր 824 էջ 100 Ֆրանկ :

De Beyrouth à Tiflis պատկերազարդ 20 Ֆրանկ :

Գերմ. — Յունարէն բարբառն, 1146 էջ. Տղ. Աթէնք 1888. 20 Փր. :

Անկում Յունական կայսրութեան եւ Հաստատութիւն Թուրք կայսրութեան. 2 մեծահատոր տղ. 1660, Ռուան, էջ 1336. 150 Փր. :

La France et l'Arménie à travers l'Art et l'Histoire. Ֆ. Մազլէն Փարիզ 1917: 7 Ֆրանկ :

Դիմել՝ H. BABESSIANի 4 bis Rue Rouget de l'Isle
CHOISY-LE-ROI - Seine (Frnce)